



## Yamada habrí pa Aña pa Konmemorashon di Pasado di Sklabitut

*Paga tinu! E formulario di aplikashon lo ta online pronto.*

*Riba X di desèmber nos ta organisá un reunion informativo online. E reunion akí ta tokante e Yamada habrí pa Aña pa Konmemorashon di Pasado di Sklabitut. Registrá pa e reunion hasiendo uso di e formulario [akí](#).*

**Bo tin un plan pa un proyekto ku di manera permanente ta kontribuí na konosementu i konsientisashon tokante pasado di sklabitut? Bo ta kreadó òf kurator den arte visual, patrimonio, industria kreativo, letra, arte teatral òf un kombinashon entre e disiplineanan akí? Kisas bo ta un biblioteka, archivo òf organisashon den e disiplineanan akiriba mensioná, anto boso tarea prinsipal ta pa organisá presentashon pa públiko? Den e kaso ei kisas boso por pidi un kontribushon na e Yamada habrí pa e Aña pa Konmemorashon di Pasado di Sklabitut. Por hasi esaki na hulandes òf ingles.**

*Atenshon: Si tin diferensha entre e vershonnan tradusí, e vershon na hulandes ta esun ku ta konta.*

Durante e Aña pa Konmemorashon di Pasado di Sklabitut di 1 di yúli 2023 te 1 di yúli 2024 lo dediká èkstra atenshon na un parti importante i doloroso di nos historia i na kual te ku resien a duna tiki atenshon: e pasado di sklabitut. Den kuadro di esaki Gobièrnu di Reino ta pone 2 mion euro disponibel pa aktividatnan i inisiativanan ku ta kontribuí na konmemorá i selebrá abolishon di sklabitut den Reino. Mondriaan Fonds i Fonds voor Cultuurparticipatie kada unu ta risibí 1 mion euro pa durante e Aña di Konmemorashon sostené aktividatnan di tantu institushonnan komo individuonan i inisiativanan chikitu lokal ku ta establese den e parti karibense di Reino i na Hulanda.

E konvokashon di Mondriaan Fonds ta dirigí su mes riba proyektonan i aktividatnan ku ta sigui engrandesé e konosementu i e konsientisashon di e pasado di sklabitut i e efekto kontinuo di esei te dia djawe. Por pensa riba por ehèmpel podcast, eksposishon, simposio òf publikashon.

Na e konvokashon di Fonds voor Cultuurparticipatie e enfoke ta riba aktividatnan kaminda e partisipantenan ta enbolbí aktivamente. Por bishitá e website pa mas informashon.

### **Aña pa Konmemorashon**

Mondriaan Fonds i Fonds voor Cultuurparticipatie lo parti e presupuesto pa medio di 2 konvokashon habrí. A hasi e konvokashonnan den kolaborashon ku miembronan di grupo di skuchadó crítico ku ta bini di diferente komunitatnan konserní.

Diferente komunitatnan di desendientenan di esnan ku a keda hasí katibu, e hendenan indígena di e pais i esnan ku a traha bou di kontrakt ta forma parti inseparabel di e historia akí. Esakinan ta entre otro e hendenan indígena di e kolonianan di e tempu ei Sürnam i e seis islanan karibense, chines, havanes i hindustan trahando bou di kontrakt, i tambe por ehèmpel komunitatnan moluko, ganes i surafrikano. P'esei e eksperensia di komunitatnan

### **Ken ta bini na remarke**

Un grupo amplio di petishonario establese den Reino Hulandes (na Hulanda, Aruba, Boneiru, Kòrsou, Saba, Sint-Eustatius i Sint-Maarten) por hasi petishon serka Mondriaan Fonds. Ta trata di persona ku profesionalmente ta traha den disiplina di arte visual, patrimonio, industria kreativo, letra, arte teatral, òf un kombinashon entre e disiplineanan akí. [Akí](#) por haña informashon pa persona ku ke hasi petishon.

Banda di esei archivo, biblioteka i organisashon riba tereno di arte visual, patrimonio, industria kreativo, letra, arte teatral, òf un kombinashon entre e disiplineanan akí - ku tin un funshon pa presentá i ta establese den parti karibense di Reino i na Hulanda - por hasi petishon. [Akí](#) por haña informashon pa oranisashon ku ke hasi petishon.

*Mondriaan Fonds ta ofresé un kontribushon pa tradukshon di e teksto pa esnan ku ta skirbi un otro idioma. Di e manera ei por laga tradusí e petishon na hulandes òf ingles.*

### **Kon i ki ora por hasi petishon**

E promé deadline ta riba dia 16 di yanüari 2023 promé ku 5 or di atardi na Hulanda (17.00 CET/12.00 AST). Lo bini un di dos deadline na april 2023. Fecha i ora esakto lo wòrdu publiká despues. Por entregá e petishon online pa medio di e sistema di aplikashon di Mondriaan Fonds. Mester tin un kuenta pa por hasi esaki. Si ainda bo no tin un kuenta, por pidi unu [akí](#). Tene kuenta ku tin un término di tratamentu di tres luna despues ku e deadline di e rueda di petishon a sera. No ta otorgá kontribushon ku forsa retroaktivo.

Tin dos tipo di petishonario denter di e Yamada habrí pa Aña pa Konmemorashon di Pasado di Sklabitut: persona i organisashon. Akibou por lesa e splikashon pa kada unu.

---

## Petishonario individual (persona)

### Pa ken

Ta trata di persona establese na Reino Hulandes (na Hulanda, Aruba, Boneiru, Kòrsou, Saba, Sint-Eustatius i Sint-Maarten). E personanan akí profeshonalmente ta traha den disiplina di arte visual, patrimonio, industria kreativo, letra, arte teatral, òf un kombinashon entre e disiplinanan akí.

### Pa kiko

Por usa e kontribushon pa proyekto i aktividat na e parti karibense di Reino i na Hulanda. Proyekto ku di manera permanente ta engrandesé konosementu i konsientisashon tokante pasado di sklabitut i su influensha den presente. Por hasi petishon pa proyekto ku ta habrí pa públiko den e aña di konmemorashon. E konmemorashon ta di promé di yüli 2023 te ku promé di yüli 2024.

Ta trata di e disiplinanan di arte visual, patrimonio, industria kreativo, letra, arte teatral, òf un kombinashon entre e disiplinanan akí. Por usa e kontribushon pa por ehèmpel:

- Presentashon ku por wòrdu bishitá pa públiko;
- Elaborashon i presentashon di trabou;
- Proyekto ku ta hasi e relashon entre lugánan históriko i áreanan, anto sklabitut visibel;
- Simposio;
- Podcast;
- Buki (pa mucha);
- Produksion di teatro i baile;
- Aplikashon manera game òf app;
- Proyekto di investigashon relevante ku lo ta aksesibel pa públiko.

### Kuantu?

Kon haltu e kontribushon ta bira, ta wòrdu stipulá pa kada petishon individualmente. Esaki por ta te un máksimo di 95% di e gastunan variabel. Por hasi petishon pa montante for di €5.000 te ku €75.000.

E petishonario por hasi petishon pa un kolaborashon fiho pa e periodo di e trabou. Esaki por varia entre 1 te máksimo 12 luna. E montante standart ta € 2.585 pa luna. Mester splika e periodo ku ke risibí e kontribushon klaramente den e plan di trabou.

Tambe ta posibel pa, na lugá di un kolaborashon fiho, pidi un kolaborashon fleksibel. Por hasi esaki pa un periodo máksimo di 12 luna. Ta stipulá e altura a base di e plan, kon largu e proyekto ta dura i e presupuesto.

### Kon i ki ora mester hasi e petishon

Por hasi un petishon pa un kontribushon na dos manera:

1. Ta hasi e petishon por eskrito pa medio di e sistema di petishon. Ta yena e formulario di aplikashon i manda e dokumentonan rekerí. Tambe ta duna un splikashon por eskrito di e contenido di e plan di proyekto.
2. Ta hasi e petishon por eskrito pa medio di e sistema di petishon i despues ta duna un splikashon verbal di e plan. Ta duna e splikashon akí na e komishon. Ta yena e formulario di aplikashon i manda e dokumentonan rekerí. Tambe ta entregá un resúmen di e plan por eskrito. E petishonario ta risibí un invitashon pa un enkuentro online ku e komishon di konseho. E enkuentro akí ta dura máksimo 20 minüt. Durante e enkuentro e petishonario ta splika e plan verbalmente.

Tin 2 deadline: e promé deadline ta riba dia **16 di yanüari 2023 promé ku 5 or di atardi na Hulanda** (17.00 CET/12.00 AST). Lo bini un di dos deadline na **april 2023**. Fecha i ora esakto lo wòrdu publiká despues.

Por entregá e petishon online pa medio di e sistema di aplikashon di Mondriaan Fonds. Mester tin un kuenta pa por hasi esaki. Si ainda bo no tin un kuenta, por pidi unu [aki](#). Tene kuenta ku tin un término di tratamentu di tres luna, despues ku e deadline di e rueda di petishon a sera. No ta otorgá kontribushon ku forsa retroaktivo. Pa e motibu ei mester entregá e petishon na tempu promé ku e fecha ku ta deseá pa por kuminsá.

*Paga tinu! E formulario di aplikashon lo ta online pronto.*

*Riba X di desèmber nos ta organisá un reunion informativo online. E reunion akí ta tokante e Yamada habrí pa Aña pa Konmemorashon di Pasado di Sklabitut. Registrá pa e reunion hasiendo uso di e formulario [aki](#).*

### **Prosedura**

- Ta hasi e petishon pa medio di e sistema di petishon online. Aki por skohe entre un formulario na hulandes òf na ingles. Por entregá e petishon únkamente na un di e dos idiomaan akí. Mondriaan Fonds ta ofresé un kontribushon pa tradukshon di e teksto pa esnan ku ta skirbi un otro idioma. Por haña mas informashon tokante esaki na e [website](#).
- Riba e formulario e petishonario ta skohe di ki manera e ke hasi e petishon. Esta por eskrito (inkluyendo un deskripshon di e plan) òf di forma kombiná. Es desir ku ta duna un deskripshon kòrtiku di e plan, kombiná ku un splikashon verbal di e plan na e komishon di konseho. Esaki ta sosodé durante un reunion ku ta tuma lugá online.
- Despues ku a entregá e petishon, Mondriaan Fonds ta kontrolá wak si e petishon ta kompleto. Den kaso ku e no ta kompleto un empleado di Mondriaan Fonds ta tuma kontakto ku e petishonario. Despues ku a tuma kontakto kuné, e petishonario ta haña 5 dia di trabou mas pa kompletá e petishon. Den kaso ku despues di e 5 dianan akí e petishon ainda no ta kompleto, lamentablemente no por trata e petishon.
- Den kaso ku e petishon ta kompleto, e petishonario ta risibí un e-mail ku konfirmashon di esaki.

Den kaso di un petishon por eskrito:

- Ta evaluá e petishon i wak si e ta kumpli ku e kondishonnan formal. Si esaki ta e kaso, ta presentá e petishon na e komishon. Esaki lo evaluá e petishon sigun e kriterionan stipulá.

Den kaso di un petishon ku splikashon verbal di e plan:

- Na momentu ku e petishon ta kompleto ta manda un konfirmashon di esaki, despues ta manda un invitashon pa e reunion ku lo tuma lugá online.
- Durante esaki e petishonario ta presentá i splika e plan. Por hasi esaki na hulandes òf na ingles. E reunion online akí ta dura un máksimo di 20 minüt. E komishon di konseho por hasi pregunta tokante e contenido di e plan.
- Despues di e reunion e petishonario ta risibí un resúmen kòrtiku. E petishonario tin e posibilidat pa reakshoná denter di 3 dia di trabou, despues ku a risibí e resúmen, riba esaki. Despues ta agregá e resúmen na e petishon.
- Ta evaluá e petishon i wak si e ta kumpli ku e kondishonnan formal. Si esaki ta e kaso, ta presentá e petishon na e komishon. Esaki lo evaluá e petishon sigun e kriterionan stipulá.

### **E kondishonnan pa un persona**

- Den bo trabou profeshonal bo ta traha den un òf mas di e siguiente disiplinanan: arte visual, patrimonio, industria kreativo, letra, arte teatral. Tambe por trata di un kombinashon di esakinan.
- Pa bini na remarke pa un kontribushon, bo mester ta sustansialmente aktivo den e área, anto profeshonalmente aktivo den e disiplina(n) enkuestion na e parti karibense di Reino òf na Hulanda.
- Bo mester ta trahando pa mínimo un aña den bo disiplina(n).
- Den kaso ku bo no a sigui un estudio den un di e disiplinanan i bo tin ménos di 4 aña ta traha den e área, ta pidi un prueba di inskripshon di Kámara di Komersio.
- No por hasi petishon pa konmemorashon i selebrashon di abolishon di skalbitut i pa proyekto edukativo. Ta posibel ku e proyekto ta bini na remarke pa un kontribushon di Fonds voor Cultuurparticipatie.
- No por duna kontribushon na aktividatnan ku ta òf lo wòrdu finansiá pa medio di otro areglo di Mondriaan Fonds, Fonds voor Cultuurparticipatie òf a base di e Regeling riba maneho kultural spesífiko òf un otro fasilidat finansiá ku medio públiko.
- Den kaso ku un artista ta inbolukrá den e plannan, ta obligatorio pa tene kuenta ku un honorario realístiko i mester pone esaki den e presupuesto. E petishonario ta paga e honorario sigun e guia pa honorario di artista.

## Kondishon general

### **Evaluashon**

Empleado di Mondriaan Fonds ta kontrolá e petishon (i e aneksonan) entregá. Nan ta wak si esaki ta kompleto i si e ta kumpli ku e kondishonnan formal. Den kaso ku esaki ta di akuerdo, ta presentá esaki na e komishon ku ta konsehá tokante otorgashon di e kontribushon.

Por otorgá e kontribushon pa Yamada habrí pa Aña pa Konmemorashon di Pasado di Sklabitut, únkamente na momentu ku e komishon duna un konseho positivo.

Pa motibu di e búdjèt limitá ku tin, no semper por honra tur konseho positivo. Den un kaso asina Mondriaan Fonds ta pidi e komishon di konseho pa evaluá e konsehonan positivo, anto indiká e prioridat di kada proyekto. Den e konsiderashon akí e siguiente puntonan entre e diferente tipo di proyekto ta hunga un ròl: e diversidat di proyekto, anto un distribushon regional i ekilibrá. Esaki ta nifiká ku ta posibel ku a husga un petishon di manera positivo, pero ku no opstante, e no ta risibí un kontribushon.

E komishon di koseho ta evaluá un petishon pa persona individual a base di:

- Material di dokumentashon (visual) den e último 3 añanan;
- Curriculum vitae;
- Splikashon di e trabou i práktika profeshonal;
- E plan, inkluyendo un motivashon di e kontenido (totalmente por eskrito i/òf spliká parsial di manera verbal). E plan ta eksistí di un deskripsjon di e proyekto, kantidat di públiko ku lo alkansá i plan di presentashon, anto un eventual splikashon di koperashon(nan).

E komishon ta mantené un kriterio di kalidat inklusivo. Den esaki ta tene kuenta ku e konteksto propio den kua a entregá òf ehekutá e petishon. Banda di esei, durante e evaluashon, enfátikamente ta tene kuenta ku e plan.

E komishon di konseho ta hasi uso di e siguiente kriterionan den su evaluashon:

### Kalidat di e trabou i e grado di rekonosementu

- Kalidat di e trabou: por pensa riba e puntonan di salida i manera kon esakinan ta sali na kla den e trabou.
- E grado di rekonosementu: basá riba e eksposishonnan, publikashonnan, presentashonnan, enkargonan, supsidionan i eventual premionan.

### Kalidat di e plan

- E plan ta kontribuí na ampliamentu di konosementu i konsientisashon tokante pasado di sklabitut i efekto di esaki den presente?
- E plan ta trata e perspektiva di e komunidadnan inkluí?
- E plan ta importante den konteksto regional i/òf internashonal? Por pensa riba apoyo, integrashon, koperashon ku e komunidadnan òf otro partido i organisashon sosial (kultural) relevante, otro kreador, kuratòr ku ta trata kuné, e sitio kaminda ehekushon lo tuma lugá, èts.

### Alkanse públiko

- E presentashon di e plan ta duna e konfiansa nesesarario ku lo alkansá e gruponan meta?

---

## **Petishon di organisashon**

### **Pa ken**

Pa e archivonan, bibliotekanan i organisashonnan ku tin un funshon pa presentá riba tereno di arte visual, patrimonio, letra, industria kreativo, arte teatral òf un kombinashon entre e disiplineanan akí. Ademas e organisashon mester ta establese den Reino Hulandes (na Hulanda, Aruba, Boneiru, Kòrsou, Saba, Sint-Eustatius i Sint-Maarten).

### **Pa kiko**

Por usa e kontribushon pa proyekto i aktividat na parti karibense di Reino i na Hulanda. Ta trata di proyekto i aktividat ku ta engrandesé konosementu i konsientisashon tokante e pasado di sklabitut i e efekto permanente di esaki den presente. Por hasi petishon pa proyekto ku ta aksesibel pa públiko ku ta kuminsá den e aña di

konmemorashon. Esaki ta kana di promé di yùli 2023 te ku promé di yùli 2024. Ta importante ku den e proyekto ta enfoká riba un perspektiva di e sosiedatnan konserní. Anto tambe ku e sosiedatnan tin un posishon di liderasgo den desaroyo di e proyekto.

Ta trata di arte visual, patrimonio, industria kreativo, letra, arte teatral òf un kombinashon entre e disiplineanan akí. Por usa e kontribushon pa por ehèmpel:

- Presentashon ku por wòrdu bishitá pa públiko;
- Produksjon di trabou dor di esun ku a trah'é;
- Proyekto ku ta hasi e relashon entre lugánan históriko i áreanan, anto sklabbitut (mas) visibel, manera kaminata òf ruta ku ta kore pasa ku baiskel;
- Simposio;
- Podcast;
- Buki (pa mucha);
- Produksjon di teatro i baile;
- Aplikashon digital manera game òf app;
- Proyekto den kua ta koperá ku otro partido(nan). Proyekto ku tin komo meta pa amplia konosementu i komo resultado final tin un presentashon;
- Proyekto di investigashon relevante ku lo wòrdu presentá na públiko.

### **Kuantu?**

Ta stipulá kon haltu e kontribushon lo bira pa kada petishon. Esaki por ta máksimo 95% di e gastunan variabel di e proyekto. Por hasi petishon pa un montante for di €5.000 te ku €75.000. Ta posibel pa duna un splikashon verbal di e plan den kaso ku hasi petishon di un montante te €10.000.

### **Kon i ki ora ta hasi petishon**

Por hasi petishon pa un kontribushon te €10.000 di dos manera:

3. Ta hasi e petishon por eskrito pa medio di e sistema di petishon. Ta yena e formulario di aplikashon i manda e dokumentonan rekerí. Tambe ta duna un splikashon por eskrito di e kontenido di e plan di proyekto.
4. Ta hasi e petishon por eskrito pa medio di e sistema di petishon i despues ta duna un splikashon verbal di e plan. Komo parti di e petishon ta duna e splikashon akí na e komishon. Ta yena e formulario di aplikashon i manda e dokumentonan rekerí. Tambe ta entregá un resúmen kòrtiku di e plan por eskrito. E petishonario ta risibí un invitashon pa un enkuentro online ku e komishon di konseho. E enkuentro akí lo dura máksimo 20 minüt. Durante e enkuentro e petishonario ta splika e plan verbalmente.

Por hasi petishon pa un kontribushon for di €10.000 te ku €75.000 únikamente por eskrito (sin splikashon verbal) pa medio di e sistema di aplikashon.

Tin 2 deadline: e promé deadline ta riba dia **16 di yanüari 2023 promé ku 5 or na Hulanda** (17.00 CET/12.00 AST). Lo bini un di dos deadline na **aprel 2023**. Fecha i ora esakto lo wòrdu publiká despues. Por entregá e petishon online pa medio di e sistema di aplikashon di Mondriaan Fonds. Mester tin un kuenta pa por hasi esaki. Si ainda no tin un kuenta, por pidi unu [akí](#). Tene kuenta ku un término di tratamentu di 3 luna, despues ku e deadline di e rueda di petishon a sera. No ta otorgá kontribushon ku forsa retroaktivo. Pa e motibu ei mester entregá e petishon na tempu promé ku e fecha ku ta deseá pa por kuminsá.

*Paga tinu! E formulario di aplikashon lo ta online pronto.*

*Riba X di desèmber nos ta organisá un reunion informativo online. E reunion akí ta tokante e Yamada habrí pa Aña pa Konmemorashon di Pasado di Sklabbitut. Registrá pa e reunion hasiendo uso di e formulario [akí](#).*

### **Prosedura**

- Ta hasi e petishon pa medio di e sistema di petishon online. Aki por skohe entre un formulario na hulandes òf na ingles. Mondriaan Fonds ta ofresé un kontribushon pa traduksjon di e teksto pa esnan ku ta skirbi un otro idioma. Por haña mas informashon tokante esaki na e [website](#).
- Pa proyekto for di €5.000 te €10.000 e petishonario ta skohe riba e formulario di ki manera e ke hasi e petishon. Esta por eskrito òf di forma kombiná. Por eskrito ke men ku ta skirbi un deskripsjon kòrtiku di e plan. Kombiná ta nifiká ku banda di e deskripsjon skirbí, ta duna un splikashon verbal di e plan na e komishon di konseho. Esaki ta sosodé durante un reunion ku ta tuma lugá online.
- Despues ku a entregá e petishon, Mondriaan Fonds ta kontrolá si e petishon ta kompleto. Den kaso ku e no ta kompleto un empleado di Mondriaan Fonds ta tuma kontakto ku e petishonario. E petishonario ta haña 5 dia di trabou, despues ku a tuma kontakto kuné, pa kompletá e petishon. Den kaso ku despues di e 5 dianan akí e petishon ainda no ta kompleto, lamentablemente no por trata e petishon.

- Den kaso ku e petishon ta komplotu, e petishonario ta risibí un e-mail ku konfirmashon di esaki.

Den kaso di un petishon por eskrito:

- Ta evaluá e petishon i wak si e ta kumpli ku e kondishonnan formal. Si esaki ta e kaso, ta presentá e petishon na e komishon. Esaki lo evaluá e petishon sigun e kriterionan stipulá.

Den kaso di un petishon pa proyekto for di €5.000 te €10.000 ku splikashon verbal di e plan:

- Na momentu ku e petishonario a duna di konosé – pa medio di e formulario di petishon – ku e ke splika su petishon, anto si e petishon ta komplotu, ta manda un konfirmashon. Ta konfirmá ku e petishon ta komplotu i ta manda un invitashon pa e reunion ku lo tuma lugá online.
- Ta invitá e petishonario pa e presentá i splika e plan. Por hasi esaki na hulandes òf na ingles. E reunion online akí ta dura un máksimo di 20 minüt. E komishon di konseho por hasi pregunta tokante contenido di e plan.
- Despues di e reunion e petishonario ta risibí un resúmen global. Despues ku a risibí e resúmen, e petishonario tin chèns pa reakshoná denter di 3 dia di trabou. Despues ta agregá e resúmen na e petishon.
- Ta evaluá e petishon i wak si e ta kumpli ku e kondishonnan formal. Si esaki ta e kaso, ta presentá e petishon na e komishon. Esaki lo evaluá e petishon sigun e kriterionan stipulá.

### **Kondishon pa organisashon**

- Un organisashon riba tereno di arte visual, patrimonio, industria kreativo, letra, arte teatral òf un kombinashon di esakinan i ku ta establecé na e parti karibense di Reino i na Hulanda por hasi petishon.
- Un organisashon - sin fin lukro komo meta prinsipal - ku ta desaroyá presentashon ku ta aksesibel pa públiko i/òf programa di aktividat komo aktividat primordial. Banda di esaki archivo i biblioteka tambe por hasi petishon.
- Un instansha den enseñansa òf post-akadémiko no por hasi petishon.
- No por hasi petishon pa konmemorashon i selebrashon di abolishon di sklabilitut, ni pa proyekto edukashonal, renobashon/konstruksion òf lantamentu di museo, restorashon, kobamentu arkeológiko, kompra di opheto òf parti di kolekshon, pa gastu fiho i di eksplotashon. Por hasi petishon únikamente pa gastunan variabel di proyekto.
- No por duna kontribushon na aktividat ku ta òf lo wòrdu finansiá pa medio di otro areglo di Mondriaan Fonds, Fonds voor Cultuurparticipatie òf a base di e Regeling riba maneho kultural spesífiko òf un otro fasilidat finansiá ku medio públiko.
- Den kaso ku un artista ta inbolukrá den e plannan, ta obligatorio pa tene kuenta ku un honorario realístiko i mester pone esaki den e presupuesto. E petishonario ta paga e honorario sigun e guia pa honorario di artista.
- E instituto kultural ta respaldá [Fair Practice Code](#), [Governance Code Cultuur](#) i [Code Diversiteit & Inclusie](#).

### [Kondishon general](#)

#### **Evaluashon**

Empleadonan di Mondriaan Fonds ta kontrolá e petishon (i e aneksonan) entregá. Nan ta wak si esaki ta komplotu i si e ta kumpli ku e kondishonnan formal. Den kaso ku esaki ta di akuerdo, ta presentá esaki na e komishon ku ta konsehá tokante otorgashon di e kontribushon.

Por otorgá e kontribushon pa Yamada habrí pa Aña pa Konmemorashon di Pasado di Sklabilitut, únikamente na momentu ku e komishon duna un konseho positivo.

Pa motibu di e búdjèt limitá ku tin, no semper por honra tur konseho positivo. Den un kaso asina Mondriaan Fonds ta pidi e komishon di konseho pa evaluá e konsehonan positivo unu ku otro, anto indiká e prioridat di kada proyekto. Den e konsiderashon akí e siguiente puntonan entre e diferente tipo di proyekto ta hunga un ròl: e diversidat di proyekto. Anto un distribushon regional i ekilibrá. Esaki ta nifiká ku ta posibel ku a husga un petishon di manera positivo, pero ku no opstante e no ta risibí un kontribushon.

E komishon di koseho ta evaluá un petishon di un organisashon a base di:

- Un deskripsion real di e organisashon, inkluyendo un lista di e aktividatnan den e último 3 añanan. Si ta alkaso mester duna un splikashon tokante e aktividatnan relashoná ku e tema akí den pasado;
- E plan, inkluyendo un motivashon di e contenido (totalmente por eskrito i/òf spliká parsial di manera verbal). E plan ta eksistí di un deskripsion di e proyekto, kantidat di públiko ku lo alkansá i plan di presentashon, anto (si ta alkaso) un eventual splikashon di koperashon ku otro partido.
- Un presupuesto spesifiká ku plan di kobertura.

E komishon ta mantené un kriterio di kalidat inklusivo. Den esaki ta tene kuenta ku e konteksto propio den kua a entregá òf ehekutá e petishon. Durante e evaluashon enfátikamente ta tene kuenta ku e plan.

E komishon di konseho ta hasi uso di e siguiente kriterionan den su evaluashon:

Kalidat di e organisashon

- E kalidat i reputashon di e petishonario ta di importansia?
- E organisashon tin un mishon i vishon bon kla?
- E aktividatnan den pasado ta duna konfiansa ku e plan lo tin e efekto ku ta aspirá?

Kalidat di e plan

- E plan ta kontribuí na ampliamentu di konosementu i konsientisashon tokante e pasado di sklabitut i su efekto den presente?
- E proyekto tin un efekto duradero pa loke ta trata ampliamentu di konosementu i konsientisashon tokante e tema akí? Por ehèmpel dor di inkluí e tema den e programashon regular?
- E plan ta trata e perspektiva di komunidad inkluí? For di e plan ta sali na kla ku e komunidadnan tin un posishon lider den desaroyo di e proyekto?

Alkanse públiko

- E presentashon di e plan ta duna e konfiansa nesario ku lo alkansá e gruponan meta?

E konteksto artístiko i kultural di e plan

- E plan ta importante den e konteksto regional i/òf (inter)nashonal? Pensa den esaki riba aseptabilidad, kon bon e ta pas, koperashon ku e sosiedatnan òf otro partido (kultural) relevante, anto organisashonnan sosial, kreadornan, kuratornan ku ta partisipá, kaminda e ta tuma lugá èts.